

河虎猛制虜塞下

師古曰虎猛縣名制虜塞在其界

告塞吏曰欲見和

親侯和親侯王歙者王昭君兄子也

師古曰歙音翁

中部都尉

以聞莽遣歙歙弟騎都尉展德侯颯使匈奴

師古曰颯音立

賀

單于初立賜黃金衣被繒帛給言侍子登在因搆求陳

良終帶等單于盡收四人及手殺校尉刁護賊芝音妻

子以下二十七人皆械檻付使者遣厨唯姑夕王富等

四十人送歙颯

○宋祁曰厨字上當有右字

莽作焚如之刑燒殺陳

良等

應劭曰易有焚如死如棄如之言莽依此作刑名也如淳曰焚如死如棄如者謂不孝子也不畜於

父母不容於朋友故燒殺棄之莽依此作刑名也師古曰易離卦九四爻辭也

罷諸將率屯兵

但置游擊都尉單于貪莽賂遺故外不失漢故事然內